



MEMORIA






ÍNDICE

1. HISTORIA.....	PAX 1
2. OBXECTO SOCIAL.....	PAX 3
3. ORGANIZACIÓN.....	PAX 4
4. LOCALIZACIÓN E ÁMBITO DE ACTUACIÓN....	PAX 6
5. RECURSOS.....	PAX 7
6. ACTIVIDADES.....	PAX 9
6.1. ATENCIÓN A PERSOAS DROGODEPENDENTES.	
6.2. ATENCIÓN A POBOACIÓN RECLUSA.	
6.3. AXUDA A MULLERES VÍTIMAS DE TRATA CON FINS DE EXPLOTACIÓN SEXUAL.	
6.6. VOLUNTARIADO E SENSIBILIZACIÓN	
7. FINANCIAMENTO.....	PAX 26
8. COLABORACIÓNS.....	PAX 30

1. HISTORIA.

A Asociación ALIAD-ULTREIA ten a súa orixe na Asociación A.L.I.A.D. (Asociación Luguesa de Información e Axuda ao Drogodependente), fundada en 1984 na cidade de Lugo e posta en marcha por profesionais de diferentes ámbitos (médicos, psicólogos, profesores,...) coa intención de informala sociedade da gravidade do problema das drogodependencias e atendelo conxunto de necesidades humanas que este xera. Nun principio o seu ámbito de actuación era a prevención, tratamento e incorporación de persoas drogodependentes pero A.L.I.A.D. cedo se especializou na área de incorporación.



Debido o traballo desenvolto, a entidade converteuse na referencia a nivel nacional na temática das drogodependencias. O seu actual presidente D. Manuel Varela Veiga ademais de ser proclamado "Lucense do ano" en 1990 e ser condecorado coa "Medalla Concepción Arenal" en 1993, foi membro fundador e presidente de ASPRODROGA (Asociación Galega de Profesionais para o Estudio e a Investigación das drogodependencias), membro fundador e presidente da FEGAD (Federación Galega de Asociacións e Entidades de Atención ao Drogodependente), secretario de UNAD (Unión Nacional de Asociacións de Axuda ao Drogodependente) e membro de distintas sociedades científicas, tales como SET (Sociedade Española de Toxicomanías), SOCIDROGALCOHOL (Sociedade Científica Española de Estudios sobre o Alcohol e outras Toxicomanías), etc. Ademais, varios membros e traballadores de ALIAD-ULTREIA tamén foron condecorados coa "Medalla Concepción Arenal".

ALIAD-ULTREIA foi evolucionando ao longo dos anos adaptándose á cambiante realidade social. Deste xeito, co xurdimento de novas necesidades sociais, ademais de seguir atendendo o colectivo relacionado coas drogodependencias, a asociación comezou a diversificar o tipo de actuacións e os/as beneficiarios/as das mesmas. Foi no ano 2010 cando a asociación modifica o seu nome para pasar a denominarse ALIAD-ULTREIA. A razón disto ven a ampliación do seu ámbito de actuación debido o nacemento de novas realidades e necesidades sociais.

No ano 2012 ALIAD ULTREIA foi galardoada co premio “Milagrosista do ano” pola súa labor e traxectoria en favor da integración de persoas en risco de exclusión. Este premio ten un gran arraigo na cidade de Lugo e foi concedido pola Asociación de Veciños, Comerciantes e Industriais do barrio da Milagrosa.

ALIAD-ULTREIA traballa actualmente con persoas afectadas por calquera tipo de problemática social e, en consecuencia, céntrase na atención integral de individuos sometidos a un risco de exclusión por razóns físicas, ambientais, económicas, culturais ou de calquera outra índole.





2. OBXECTO SOCIAL.

ALIAD-ULTREIA ten como misión a promoción dunha mellora na calidade de vida dos homes e mulleres a través dunha **atención integral a persoas en risco de exclusión** por razóns físicas, ambientais, económicas, culturais, ou de calquera outra natureza.

ALIAD-ULTREIA pretende ser un recurso de incorporación que facilite a integración social proporcionando:

-Información e sensibilización sobre as distintas problemáticas coas que traballa.

-Formación dirixida aos colectivos e sectores sociais que teñan relación, directa ou indirecta, coa problemática tratada.

-Atención psicolóxica, xurídica, laboral, sanitaria,... os/as usuarios/as contando para elo cun equipo multidisciplinar que desenvolve os distintos programas e proxectos de ALIAD-ULTREIA.

-Acompañamento dos distintos/as usuarios/as a recursos sociais, de formación, vivenda,...

-Colaboración, establecendo relacións e nexos de reunión con diversas entidades públicas e privadas, locais, autonómicas, nacionais e internacionais que contribúan a acadar o mesmo fin para ó cal foi concebida ALIAD-ULTREIA.

-Traballos de investigación que detectan novas problemáticas sociais e que a súa vez serven de base para á planificación de futuras accións.

Todo isto sen perder de vista os valores esenciais da entidade que son **a solidariedade, a transparencia, o compromiso e a sensibilización social.**

Deste xeito, ALIAD-UTREIA pretende ser una organización de referencia autonómica na atención de persoas en perigo de exclusión social especialmente aquelas que non son atendidas por outras organizacións, economicamente sostible e independente, con capacidade de adaptación e dirixida cara a consecución dunha sociedade máis igualitaria e cohesionada.



3. ORGANIZACIÓN.

ALIAD-ULTREIA é una **Asociación sen ánimo de lucro** que se rixe polo art. 22 da Constitución, a Lei Orgánica 1/2002, de 22 de marzo, reguladora do Dereito de Asociación e a Lei 49/2002, de 23 de decembro, de réxime fiscal das entidades sen fins lucrativos e dos incentivos fiscais ao mecenazgo.

ALIAD-ULTREIA foi constituída por tempo indefinido e ten como ámbito de actuación todo o territorio español, se ben, principalmente, desenvolve as súas actividades na provincia de Lugo. En 2006 a Xunta de Galicia declarouna **de interese para a Comunidade Autónoma de Galicia en materia de drogodependencias**. (Orden do 19 de setembro de 2006 publicada no DOGA do 6 de outubro de 2006)

ALIAD-ULTREIA ten como órgano supremo de goberno a Asemblea Xeral que está integrada por todos os asociados. A 31 de decembro de 2013, ALIAD ULTREIA conta con 45 socios/as. A xestión e representación da entidade recae nuncha Xunta Directiva formada por: un/a Presidente/a, un/a Vicepresidente/a, un/a Secretario/a e un/a Tesoureiro/a. Actualmente a Xunta directiva está constituída por:

D. Manuel Varela Veiga (Presidente)

Dna. Ana Luisa Posada Luances (Vicepresidenta)

D. Bernardo Gutiérrez Mariño (Secretario)

Dna. Rosa Marina Zas Castro (Tesoureira)

Dna. Gloria Esperanza Álvarez (Vogal)

O desempeño dos cargos da xunta directiva como órgano de representación é totalmente gratuíto e ningún dos membros percibe retribución algunha por razón do seu cargo ou pola prestación de servizos diferentes as funcións que lles corresponden como tal.

ALIAD-ULTREIA está inscrita nos seguintes rexistros:


-  Rexistro provincial de Asociacións da Consellería de Xustiza, Interior e Administración Local da Xunta de Galicia co nº1984/00426, sección 1ª.
-  Rexistro Xeral de Asociacións da Consellería de Presidencia, Administracións públicas e Xustiza da Xunta de Galicia co nº2010/014710-1.
-  Rexistro Único de Entidades Prestadoras de Servizos Sociais da Consellería de Traballo e Benestar da Xunta de Galicia co nº E-0178.
-  Rexistro de Entidades Colaboradoras do Plan de Galicia sobre Drogas da Consellería de Sanidade da Xunta de Galicia co nº SA 463D 2003/4
-  Rexistro de Asociacións do Concello de Lugo co nº258.

ALIAD-ULTREIA tamén forma parte da Federación de Asociacións de Ámbito Social de Lugo, sendo unha das entidades fundadoras de dita Federación. Ademais, actualmente ALIAD ULTREIA, ocupa a presidencia a súa Xunta Directiva e cede os seus locais para o desenvolvemento da actividade da Federación.




4. LOCALIZACIÓN E ÁMBITO DE ACTUACIÓN.

A sede de ALIAD-ULTREIA atópase na Rúa Milagrosa nº99-101, C.P.: 27003 da cidade de Lugo.



Aínda que ALIAD-ULTREIA está constituída como una organización que pode actuar a nivel nacional, centra a súa actuación na comunidade autónoma galega e sobre todo na provincia de Lugo.



5. RECURSOS.

5.1. Materiais

ALIAD-ULTREIA conta cun inmoible en propiedade sito na rúa Milagrosa no que se sitúan tres despachos, unha consulta médica, unha sala de reunións, un espazo de uso común, varios baños, un almacén e un apartamento de acollida. Todas estas estanzas atópanse totalmente equipadas e amobladas tanto para o actual desenvolvemento da actividade da entidade cómo para posibles futuras ampliacións da mesma.



5.2. Laborais

Actualmente ALIAD-ULTREIA ten no seu equipo a catro traballadores/as, unha psicóloga, unha educadora social e dous sociólogos, todos eles con ampla experiencia no ámbito do social. Ademais destes tres profesionais, ALIAD-ULTREIA conta coa colaboración de varios profesionais externos, abogados, médicos, etc.

En canto ao voluntariado, ALIAD-ULTREIA ten asinado un convenio coa Universidade de Santiago de Compostela (USC) para ofrecer a realización de prácticas do seu alumnado na nosa entidade. A cambio de ditas prácticas, a USC outorga créditos das diferentes titulacións. É habitual que estes alumnos, unha vez terminadas as prácticas, sigan vinculados a ALIAD-ULTREIA e continúen prestando a súa colaboración coa entidade.



Ademais dos alumnos da USC que realizan prácticas na entidade, ALIAD-ULTREIA conta cunha bolsa de voluntarios (17 persoas) que colaboran nas diferentes actividades e programas desenvoltos.

No ano 2013 ALIAD ULTREIA, xunto coa Asociación Penitenciaria Concepción Arenal e A Pastoral Penitenciaria do Obispado de Lugo continuou a traballar no programa de voluntariado para o apoio as persoas privadas de liberdade. (Ver apartado de actividades)

A 31 de decembro de 2013 ALIAD ULTREIA conta con **48** socios/as.



6. ACTIVIDADES.

No ano 2013 ALIAD-ULTREIA desenvolveu as súas actividades en catro liñas estratéxicas básicas.

-  **ATENCIÓN A PERSOAS DROGODEPENDENTES.**
-  **ATENCIÓN A POBOACIÓN RECLUSA.**
-  **AXUDA A MULLERES VÍCTIMAS DE TRATA E/OU EXPLOTACIÓN SEXUAL.**
-  **VOLUNTARIADO E SENSIBILIZACIÓN.**

O feito de que actualmente a actividade de ALIAD-ULTREIA se céntrase nestes ámbitos non impide que debido á cambiante realidade social e ó xurdimento de novas realidades sociais, ademais de continuar coa labor realizada ata agora, esta entidade abra ou amplíe as súas actuacións a outros frontes distintos.

6.1. ATENCIÓN A PERSOAS DROGODEPENDENTES.

Dentro desta liña de actuación, ALIAD-ULTREIA ten dúas iniciativas en funcionamento. Ó **Programa Xurídico Social de Atención a persoas drogodependentes** e o **Proxecto de cumprimento de penas e medidas alternativas a prisión.**

6.1.1. Programa Xurídico Social de Atención a persoas drogodependentes.

Este Programa está enmarcado dentro do Plan de Trastornos Aditivos de Galicia (antes Plan Galego sobre drogas) deseñado pola Xunta de Galicia. Neste sentido ALIAD-ULTREIA forma parte dos recursos cos que conta dito plan en Galicia, sendo o único que traballa no ámbito da incorporación na Provincia de Lugo.

As actuacións de dito programa comezan no momento da detención e prolonganse ata a execución da pena. Ó obxectivo deste programa é o asesoramento legal das persoas drogodependentes ou exdrogodependentes para que estes poidan acadar a súa incorporación social e laboral.

Para elo, as actividades realizadas neste ámbito son:



-  Facilitar a atención integral aos drogodependentes con problemas legais.
-  Optimizala coordinación entre as distintas institucións e axentes implicados.
-  Asesorar e orientar aos maxistrados, xuíces e fiscais sobre a situación persoal, familiar e social do drogodependente.
-  Accións de orientación-motivación persoais de cara ao tratamento.

6.1.2. Programa de cumprimento de penas e medidas alternativas a prisión.

Ó obxecto desta iniciativa é a axuda e atención a persoas drogodependentes que foron condeadas e sometidas a medidas alternativas á prisión.

ALIAD-ULTREIA desenvolve este proxecto en coordinación cos equipos de tratamento das prisións, da Unidade de Atención ao Drogodependente e do Servizo de Xestión de Penas e Medidas Alternativas de Lugo (SGPMA). Neste sentido ALIAD-ULTREIA diseña un plan de intervención para cada usuario/a e mantén contacto con eles e as súas familias a fin de realizar un seguemento das actividades e valorar o apoio familiar.

Sinalar tamén que estes cumprimentos inclúen informes de seguemento que realiza ALIAD-ULTREIA para ó SGPMA.

ALIAD-ULTREIA leva desenvolvendo estes dous Programas de Atención a Persoas Drogodependentes dende 1993. De carácter anual, ambos programas realizaron durante ó ano 2013 **1.047 intervencións, con 255 persoas drogodependentes.**




A continuación amósanse algúns dos datos relativos a ditos Programas no ano 2013. Máis concretamente relativos ao nº de intervencións, clase das mesmas e porcentaxe que representan estas respecto do total.

INTERVENCIÓN PROGRAMAS DE ATENCIÓN A PERSOAS DROGODEPENDENTES DURANTE O ANO 2013		
TIPO DE INTERVENCIÓN	Nº	% RESPECTO DO TOTAL
ENTREVISTA CON USUARIO OU FAMILIARES	544	51,96%
CONTACTO CON AVOGADO	111	10,60%
CONTACTO CON OUTRO DISPOSITIVO DO P.G.D	112	10,70%
INTERVENCIÓN EN COMISARÍA	3	0,29%
REDACCIÓN DE ESCRITOS XURÍDICOS	58	5,54%
SOLICITUDE DE INFORME TERAPÉUTICO	55	5,25%
EMISIÓN DE INFORME SOCIAL	13	1,24%
XESTIÓN EN XUZGADOS	33	3,15%
XESTIÓN EN CENTRO PENITENCIARIO	11	1,05%
XESTIÓN ANTE OUTRO ORGANISMO PUBLICO	75	7,16%
SOLICITUDE DE SUSPENSIÓN DE CONDENA	0	0,00%
SOLICITUDE SUSTITUCIÓN PENA	0	0,00%
SOLICITUDE MEDIDA DE SEGURIDAD	0	0,00%
SOLICITUDE SUSP. SANCIÓN ADMINISTRATIVA	30	2,87%
ASISTENCIA A XUÍCIO	2	0,19%
OUTROS	0	0,00%
TOTAL	1.047	100,00%

Fonte: Aliad-Ultreia

INTERVENCIÓNS NOS PROGRAMAS DE ATENCIÓN A PERSOAS DROGODEPENDENTES



Fonte: Aliad-Ultreia

A vista dos datos expostos é evidente que estas iniciativas desenvoltras por ALIAD-ULTREIA en Lugo, son sólidas e están consolidadas dentro do Plan de Trastornos Adictivos de Galicia. Debido a esta demanda, creemos indispensable a continuación coa nosa labor.

6.2. ATENCIÓN Á POBOACIÓN RECLUSA.

Ó contexto penitenciario, polas súas características de entorno pechado, desvincula á persoa privada de liberdade do mundo laboral, da cultura, das relacións sociais, etc.

Ó cumprimento dunha pena debería de ter como obxectivo a reeducación e a reinserción social. Neste senso, tendo en conta cómo se desenvolven os cumprimentos de ditas penas nas prisións, cremos que actualmente este obxectivo só se cumpre en parte ou non se cumpre. Por iso, ALIAD-ULTREIA pretende mediante programas formativos, culturais e sociais, achegar actividades que promovan o desenvolvemento persoal e axuden a preparar a vida en liberdade.

Dentro deste ámbito de actuación podemos diferenciar tres iniciativas:

Ó **Proxecto de preparación para a liberdade** que se desenvolve dentro dos centros Penitenciarios da Provincia de Lugo (Bonxe e Monterroso), o **Proxecto Preparados, Listos, Xa!** que se leva a cabo no apartamento de acollida que ALIAD-ULTREIA ten durante os distintos permisos penitenciarios e **Proxecto de Participación Comunitaria "Construíndo convivencia"** desenvolto no C.P. de Monterroso.

6.2.1. Proxecto de preparación para a liberdade.

Esta iniciativa ten como obxectivo xeral ó desenvolvemento persoal da poboación reclusa participante no proxecto, a recuperación e adquisición de habilidades e o adestramento de estas para a súa vida en liberdade.



Visita á Granxa Arqueixal na saída realizada á Comarca da Ulloa



Para elo, dentro dos centros penitenciarios, realízanse actividades como:

-  Obradoiro de habilidades sociais.
-  Obradoiro de orientación laboral.
-  Obradoiro de masculinidades e igualdade de xénero.
-  Obradoiro de xestión das emocións e autocontrol.
-  Saídas programadas de carácter sociocultural.
-  Actividades lúdico-culturales.

Este proxecto xurdiu como continuación da atención ás persoas drogodependentes que tendo algún tipo de delito finalmente entraban en prisión.

Ó programa asume unha visión máis integral ao traballar para preparar a vida en liberdade de persoas drogodependentes pero colaborando cos servizos médicos, os/as psicólogos/as do centro e os Axentes de Saúde dos centros penitenciarios, de tal forma que ó programa traballa en prevención de recaídas, motivación dirixida ao tratamento, talleres de habilidades sociais e laborais, igualdade de xénero, sexualidade, xestión de emocións e autocontrol.

Durante ó ano 2013 traballouse principalmente no Centro Penitenciario de Monterroso realizando diversos obradoiros e actividades. Tamén realizouse algunha actividade no Centro Penitenciario de Bonxe como ó Obradoiro de de masculinidades e igualdade de xénero, pero en menor medida e intensidade.

Destacar entre as actividades lúdico-culturais a actuación dentro do Centro Penitenciario de Monterroso de grupos musicais e de teatro que en colaboración con ALIAD ULTREIA, axudaron a achegar e difundir diferentes aspectos culturais as persoas privadas de liberdade. Da mesma maneira, as saídas programadas de carácter sociocultural promoven ó interese e espertan nos internos dos Centros Penitenciarios una inquietude socio/cultural que favorece a súa preparación para a liberdade. Durante o ano 2013 realizáronse tres saídas con diferentes persoas: unha á cidade de Ourense, outra á Mariña Lucense e outra á Comarca da Ulloa.

En total, **durante ó ano 2013 foron 53 as persoas que participaron en todas estas iniciativas.**

Para ó ano 2013 preténdese continuar coa labor realizada no Centro Penitenciario de Monterroso e ampliar e reforzar as actividades no C.P de Bonxe.

6.2.2. Proxecto Preparados, Listos, Xa!.

ALIAD-ULTREIA pon a disposición dos internos/as dos Centros Penitenciarios de Bonxe e Monterroso, un apartamento no que disfrutar de permisos penitenciarios de saída.

Se ben nun principio este proxecto centrábase na tutela de persoas con problemas de drogodependencias ao longo dun itinerario, actualmente a poboación obxectivo amplíase a todas aquelas persoas que estando privadas de liberdade, non teñen recursos (nin económicos nin de vínculo familiar en Lugo) para poder acceder a estes permisos de saída.

A finalidade desta tutela é a de organizar, planificar e orientar o desfrute dos permisos penitenciarios de saída e os primeiros momentos en liberdade. Para elo se desenvolven diversas actividades cos usuarios, entrevistas de seguemento e control, programación do día, acompañamentos, participación en cursos... Moitas destas actividades son realizadas en colaboración con voluntarios de ALIAD ULTREIA (ver apartado de voluntariado e sensibilización)

Ó obxectivo final é preparar a estas persoas para que poidan desenvolver a súa vida en liberdade dunha maneira normalizada.



Durante ó ano 2013 houbo **22 persoas que disfrutaron no apartamento de ALIAD ULTREIA un total de 51 permisos.** Estes permisos mantiveron ocupado dito apartamento durante 196 días.

6.2.3. Proxecto de Participación Comunitaria “Construíndo convivencia”

Como xa se comentou no capítulo segundo relativo ao obxecto social, ALIAD-ULTREIA tamén realiza traballos de investigación que detectan novas problemáticas sociais e que a súa vez serven de base para a planificación de futuras accións.

Este proxecto comezou no ano 2012 e comezou a investigar sobre os conflitos e problemáticas existentes na convivencia cidadá intercultural nos centros penitenciarios, máis concretamente no Centro Penitenciario de Monterroso, no ano 2012 centrábase na identificación de problemáticas entre a poboación reclusa e participaron 10 persoas.

Durante o 2013 A través dunha metodoloxía participativa os internos, os funcionarios e as ong's que traballan neste centro, identifican as necesidades e problemáticas sobre as que posteriormente se desenvolverá un proxecto de animación sociocultural.

Esta iniciativa ten como obxectivo a mellora da convivencia intercultural de todos os colectivos que comparten o espazo no Centro Penitenciario de Monterroso e nela participan mais de 50 persoas.

Para a realización deste proxecto cóntase con financiamento da Obra social da Caixa así como dun Programa de Cooperación da Consellería de traballo que permitiu a contratación dunha persoa durante un ano. (O desenvolvemento deste proxecto comezou en novembro de 2013 e remata en novembro de 2014)



Ó igual que sucedía nos Programas de Atención a Persoas Drogodependentes, o alto nivel de participación nas actividades e iniciativas



desenvoltas por ALIAD ULTREIA confirma a idea de que estes servizos, continúan sendo moi demandados e necesarios debido a unha maior concienciación da problemática no ámbito penitenciario. Polo tanto, é cada vez máis evidente que só a privación de liberdade non axuda a solventar os problemas. ALIAD ULTREIA pon sobre a mesa un catálogo de actividades que se confirma como unha alternativa de éxito pois, a vista do seu desenvolvemento e dos resultados obtidos, este tipo de servizos tornáronse en indispensables para alcanzar a adaptación da vida en liberdade e para á redución da reincidencia.

En canto ao perfil dos usuarios destes programas, destacaremos que todos os usuarios foron varóns de entre 23 e 52 anos.

Por todo ó exposto, parece evidente que estes programas de intervención con persoas en centros penitenciarios son moi útiles e necesarios de cara a reinserción destas persoas na sociedade. Por elo, de cara aos próximos anos intentaremos, senón aumentar, manter o nivel de usuarios, e atención aos mesmos.



6.3 PROGRAMA DONAS DE AXUDA A MULLERES VÍCTIMAS DE TRATA E/OU DE EXPLOTACIÓN SEXUAL.

Ó Programa naceu da especial necesidade que se detectou na Provincia de Lugo de **velar polos dereitos das mulleres vítimas de trata e/ou explotación sexual**, actualmente unha das formas máis graves e extendidas de violación dos dereitos humanos nos países auto-denominados “desenvoltos”. Á trata e/ou explotación sexual de mulleres é unha forma de escravitude moderna e supón unha degradación insoportable para á persoa que a padece, que deixa de ser suxeito de dereitos para converterse en obxecto de consumo. Axudar a visibilizar o problema, denunciálo e traballar a favor dos dereitos destas mulleres ha de ser un compromiso social ao que nos quixemos sumar, como Asociación que ten establecidos, entre os seus obxectivos estatutarios, a promoción da igualdade entre homes e mulleres e a inserción de persoas en risco de exclusión social.

Ó “Programa Donas” créase no ano 2010, tras unha colaboración co Centro Vagalume de Santiago de Compostela e ó posterior contacto con representantes do Poder Xudicial na cidade de Lugo.

En Lugo, Cruz Vermella e Cáritas Diocesana puxeron en funcionamento distintos programas de atención a mulleres ou a poboación inmigrante, os que acoden moitas mulleres para solicitar asesoramento, orientación ou formación. Cruz Vermella, ademais, conta cun programa sanitario específico de atención a mulleres que exercen á prostitución. A pesar de que estas dúas entidades atenden as mulleres que son vítimas dunha situación de explotación sexual, non existe en Lugo ningún recurso que o faga de forma específica. Dende Aliad-Ultreia cremos que era inexcusable ó impulso dun programa de atención integral a estas mulleres. Estas son algunhas das circunstancias que xustificaron a creación do “Programa Donas”:

- Na actualidade en Lugo está aberta unha macro-investigación xudicial, no chamado ‘Caso Carioca’, no que se perseguen delitos relacionados co tráfico clandestino de persoas con fines de explotación sexual, delitos de prostitución, relativos a inmigración ilegal, explotación laboral, contra a Administración Pública, relacionados coa corrupción policial nas súas diversas modalidades... É necesario e urxente que, tanto as mulleres que colaboran coa Xustiza, como as que decidiron non facelo, reciban información acerca da situación fáctica e xurídica na que se atopan e que os recursos sociais garantan a súa protección, facilitando á permanencia en España e garantindo os seus dereitos.

- Como sinalábamos antes, non existen recursos en Lugo que aborden ó problema da trata dunha forma interdisciplinar, traballando dende á visibilización do problema ata á intervención directa coas mulleres para que sexan recoñecidos os seus dereitos.

Conclusión: ***As mulleres vítimas de explotación sexual e/ou de trata con fins de explotación sexual que residen ou residiron en Lugo non teñen acceso á información sobre os seus dereitos, teñen moitas dificultades á hora de regularizala súa situación e non poden facer uso dos recursos sociais en condicións de igualdade.***



Ó proxecto ubícase na Provincia de Lugo, pero debido a mobilidade destas mulleres polos diferentes pisos e “clubs praza”, aténdense usuarias que se atopan noutras provincias.

Ata ó ano 2011, e debido a falta de financiamento, ó Programa Donas centrábase soamente na atención xurídica destas mulleres. Grazas ao aumento do financiamento, tanto pública como privada, e ao acordo de colaboración de Cáritas, entidade coa que se traballa conxuntamente, no ano 2012 púdoase desenvolver ó Programa Donas na súa totalidade, tal e como se houbo concebido, como un recurso que ofrecese unha atención xurídica, social, sanitaria, laboral,...¹

No ano 2013 continuo a desenvolverse o proxecto en toda a súa extensión aumentando considerablemente o nº de persoas atendidas.

¹ ALIAD ULTREIA tamén forma parte da Rede Galega contra á trata e colabora coa ong Ecos do Sur de A Coruña que presta un servizo similar no norte da provincia de Lugo



Os ámbitos de actuación do programa son tres: Pisos onde se exerce á prostitución, o Barrio da Tinería (barrio de Lugo tradicionalmente vinculado a prostitución) e clubs de alterne. En todos eles realízanse traballos de asesoramento xurídico, social, sanitario e laboral pero á forma de actuar é distinta en cada visita debido as diferentes características do entorno e das usuarias.

Durante ó ano 2013 realizáronse diversos obradoiros, sobre enfermidades de transmisión sexual, sobre recursos e prestacións, de ocio e tempo libre, xénero e autocoidado, etc...

Apuntar que vinculado ao Programa Donas naceu outro recurso/actividade de ALIAD ULTREIA. Esta consiste na posibilidade de realizar de forma gratuíta² á proba rápida de VIH en fluído oral. Se ben nun principio esta iniciativa serviu para introducirmos e darnos a coñecer entre as mulleres que exercen á prostitución, actualmente ademais de seguir sendo unha das actividades máis interesantes para esta poboación, ó perfil e características dos usuarios/as que demandan esta proba é moi diferente.

O importante de todas estas actividades, ademais de informar sobre diferentes aspectos, é que ALIAD ULTREIA dáse a coñecer entre estas mulleres de maneira que no momento que teñan un problema, dúbida ou consulta poidan poñerse en contacto coa entidade para axudalas no que necesiten. Para elo deseñouse unha tarxeta cos datos de contacto e servizos ofrecidos por ALIAD ULTREIA e Cáritas. Esta tarxeta distribuíuse en todas as visitas realizadas durante ó ano 2013 entre as mulleres participantes nos diferentes talleres.

Por todo elo cremos que ó Programa Donas acada ó obxectivo principal para ó que foi creado, que era ó de melloralá situación das mulleres vítimas de trata con fins de explotación sexual de Lugo traballando para á consecución dos seus dereitos en condicións de igualdade.

Durante ó ano 2013 atendéronse un total de 323 mulleres das que 20 eran testemuñas protexidas do Caso Carioca. Á vista destes datos é evidente a necesidade dunha iniciativa como esta, sobre todo se temos en conta que en Lugo non existe una alternativa similar.

² Esta proba está financiada exclusivamente pola Consellería de Sanidade.



6.4. VOLUNTARIADO E SENSIBILIZACIÓN.

Desde os seus inicios a asociación contou coa participación de persoal voluntario para o desenvolvemento das súas actividades, nun principio dun xeito máis espontáneo pero co paso dos anos a colaboración vaise protocolarizando e mellorando. Nos últimos anos o Servizo de Participación e Integración Universitaria foi o mecanismo para achegarnos, seleccionar e formar as persoas que estaban interesados/as nos programas que fai ALIAD a máis de colaborar en temas de prevención do consumo de drogas na comunidade universitaria.

Actualmente os/as voluntarios/as que acoden a Aliad Ultreia, teñen diferentes características, proveñen de diversos ámbitos, e amosan intereses dispares. Por ese motivo as actividades de voluntariado que se realizaron durante este ano 2013 ofreceron diferentes alternativas para axudar aos/as usuarios/as dos colectivos obxectivos destas actividades. Uns colectivos que claramente se atopan dentro dos denominados "en risco de exclusión". (Aínda que algunha actividade realizada co colectivo de mulleres tamén se podería enmarcar dentro da igualdade de xénero)

As actividades que realizaron os voluntarios pódense resumir nos seguintes puntos:

- ▣ Accións de sensibilización: Estas actividades realizáronse durante todo o ano. Houbo charlas en diversas asociacións, accións de rúa, difusión de eventos, e redacción de noticias, todas elas co obxectivo de sensibilizar á sociedade sobre a problemática específica dos distintos colectivos aos que atende Aliad Ultreia.
- ▣ Colaboración na organización e desenvolvemento do obradoiro de habilidades socio-laborai levado a cabo no C.P. de Monterroso.
- ▣ Obradoiro de informática dirixido por un voluntario e destinado a persoas que desfrutaron de permisos ou persoas que no ano 2013 estaban en período de condicional ou nos primeiros momentos da liberdade.
- ▣ Acompañamentos a usuarios/as. Actividade realizada por varios voluntarios/as.
- ▣ Apoio nas saídas socioculturais do Programa de Preparación para a liberdade.
- ▣ Axuda na organización de eventos e iniciativas (rastros solidarios, xornadas,...)



Ademais, continuando coas actividades iniciadas no 2012 relativas á rede de voluntariado penitenciario de Lugo da que forma parte esta entidade, no ano 2013 Aliad Ultreia participou na organización das II Xornadas de Redes Penitenciarias organizadas no mes de decembro.

Apuntaremos que actualmente **ALIAD ULTREIA conta con 17 persoas voluntarias** que colaboran nas citadas actividades.

En canto as actividades de sensibilización apuntaremos que durante o 2013 ALIAD ULTREIA divulgou diversa información sobre os seus programas e a problemática social existente a través dos medios de comunicación. Estes son algúns exemplos:

15/12/2013

Nova na Gaceta de Galicia sobre o novo programa de Aliad Ultreia.

<http://www.lagacetadegalicia.com/o-carcere-de-monterroso-pon-en-marcha-un-programa-novidoso-para-o-deseno-de-actividades-socioculturais/>

05/12/2013

Nova na Voz de Galicia sobre o acto celebrado en Lugo no Día Internacional do Voluntariado

http://www.lavozdeg Galicia.es/noticia/lugo/2013/12/05/santa-barbara-pinchos-truenos/0003_201312L5C12991.htm

04/12/2013

Nova no Progreso sobre o acto celebrado en Lugo no Día Internacional do Voluntariado

<http://elprogreso.galiciae.com/nova/295276-photocall-cogerle-gusto-voluntariado>

24/09/2013

Nova no Progreso sobre a acción de rúa realizada por Aliad Ultreia, Asociación Enriqueta Otero e outros colectivos cidadáns con motivo do Día Internacional contra a trata de seres humanos.

<http://elprogreso.galiciae.com/nova/279107-mercado-seres-humanos>

20/09/2013

Aliad Ultreia e a asociación Enriqueta Otero organizarán o luns unha concentración contra a explotación sexual en Lugo

<http://www.lavozdeg Galicia.es/noticia/lugo/2013/09/20/aliad-ultreia-asociacion-enriqueta-otero-organizaran-luns-unha-concentracion-contr-explotacion-sexual-lugo/00031379699406116654681.htm>

20/09/2013

A rede Galega contra a Trata, da que forma parte Aliad Ultreia, organiza en Vigo as II Xornadas contra a Trata.

http://www.obrasocialncg.com/es/socialia/formacion/ii_xornada_sobre_a_trata_en_vigo_implicarte_e_avanzar

<http://www.farodevigo.es/sociedad-cultura/2013/09/21/expertos-consideran-luchar-trata-hay/881552.html>

<http://www.farodevigo.es/sociedad-cultura/2013/09/20/onu-alerta-48000-mujeres-sufren/881064.html>

<http://igualdade.xunta.es/es/actualidad/la-xunta-aboga-por-un-tratamiento-institucional-claro-y-contundente-para-acabar-con-la>

<http://redegalega.blogspot.com.es/2013/09/proximo-evento-en-vigo-o-venres-20-de.html>

<http://www.facebook.com/pages/Rede-Galega-contr-a-TRATA/547493035319472>



27/06/2013

Catorce colectivos denuncian que la Xunta trata a los voluntarios como trabajadores en precario

http://www.lavozdeg Galicia.es/noticia/lugo/2013/06/27/catorce-colectivos-denuncian-xunta-trata-voluntarios-trabajadores-precario/0003_201306L27C6991.htm

14/06/2013

Noticia relacionada co Programa Donas de atención a mulleres vítimas de trata con fins de explotación sexual

http://politica.elpais.com/politica/2013/06/14/actualidad/1371239116_880033.html

31/05/2013

El Defensor del Pueblo reúne con Aliad Ultreia

02/05/2013

Entregan 3.000 firmas para el San José se destine a uso público.

http://www.lavozdeg Galicia.es/noticia/lugo/2013/05/03/entregan-3000-firmas-san-jose-destine-uso-publico/0003_201305L3C19911.htm

22/04/2013

Nova no Progreso sobre a Proba rápida de VIH que se realiza en Aliad Ultreia

05/04/2013

Nova no diario El Pais relacionada co Programa Donas

http://ccaa.elpais.com/ccaa/2013/04/05/galicia/1365190308_664407.html

20/03/2013

A Secretaria Xeral da Igualdade visita as instalacións de Aliad Ultreia

16/03/2013

Presentación da Memoria de Actividades do ano 2012 de Aliad Ultreia.

<http://elprogreso.galiciae.com/nova/237954-aliad-constata-aumento-consumo-alcohol-drogas-paro-crisis>
http://www.lavozdeg Galicia.es/noticia/lugo/2013/03/16/exheroinomanos-lugo-acaban-prision-fumar-porros/0003_201303L16C6991.htm

17/03/2013

Noticia relacionada co Programa Donas.

http://www.lavozdeg Galicia.es/noticia/galicia/2013/01/17/excarcelacion-presos-carioca-aterroiza-victimas/0003_201301G17P11993.htm

17/01/2013 (Edición Impresa de La Voz de Galicia)

Noticia sobre o Programa Donas

15/01/2013 (Edición Impresa de La Voz de Galicia)

Noticia sobre o Programa Donas

13/01/2013

La sociedad lucense se vuelca con la petición e más servicios para el HULA

http://www.lavozdeg Galicia.es/noticia/lugo/2013/01/15/sociedad-lucense-vuelca-peticion-servicios-hula/0003_201301L15C4992.htm

Tamén participou en eventos e iniciativas organizadas por diferentes motivos e relacionadas cos ámbitos de actuación da entidade, (Día internacional contra a trata de persoas, día internacional do voluntariado, ...)



Acción de rúa no Día Internacional contra a trata de persoas

Ademais ALIAD ULTREIA aproveitou a realización doutras actividades, como as destinadas a busca de financiamento (véxase capítulo de financiamento) para difundir os seus valores, programas, filosofía, obxectivos,... de maneira que esta difusión contribúe a concienciación da poboación sobre os distintos problemas sociais actuais. A difusión desta información sempre estivo acompañada da entrega de folletos informativos.




**ABRINDO PORTAS
Á INTEGRACIÓN**

ALIAD-ULTREIA
Rúa Milagrosa nº99-101,
27003 LUGO

Teléfono/Fax: Móbil
982 251 948 655395940

Correo electrónico:
ongallad@hotmail.com

www.aliadultreia.webs.tl

ALIAD-ULTREIA é una asociación sen fins de lucro que leva traballando desde 1984 en Lugo na incorporación e integración social de persoas en risco de exclusión.

Os nosos valores fundamentais son:

- A solidariedade,
- A transparencia
- O compromiso
- A sensibilización social.



Os ámbitos nos que traballamos son:

- Na atención xurídico social a persoas drogodependentes ou exdrogodependentes.

- Na preparación para a liberdade da poboación reclusa.

- Na axuda a mulleres vítimas de trata e/ou explotación sexual.



Ej: Díptico informativo en forma de marcapáxinas difundido no "Rastro solidario".



A páxina web de ALIA ULTREIA (www.aliadultreia.webs.tl) e a utilización das redes sociais (Facebook e Twitter), a través das que se difunde información sobre a entidade tamén forman parte da sensibilización e concienciación sobre as distintas problemáticas sociais tratadas na entidade.



En resumo, ALIAD ULTREIA atendeu a **695 persoas** nos distintos ámbitos de actuación nos que traballa. Consideramos que dado o tamaño e os recursos da entidade, este alto número de persoas fan evidente varios aspectos.

En primeiro lugar, evidencia a necesidade de atender a persoas afectadas por determinadas problemáticas (drogodependencias, violencia de xénero, vítimas de trata e explotación sexual,...), que de non ser por entidades como esta, non terían recursos aos que asistir, tamén é salientable a eficiencia da organización, xa que con relativamente poucos recursos atende a un gran número de persoas. Unha atención que ante todo busca ser gratuíta, inmediata, resolutiva e eficaz. Por último apuntar que a realización de todas estas actividades confirma o cumprimento dos fins estatutarios para os que foi creada esta organización.



7. FINANCIAMENTO

O presuposto anual de ALIAD-ULTREIA no ano 2013 foi de 123.922,49 euros dos cales o 91,76% (113.719,63 €) proveu de administracións públicas e o restante 8,24 % (10.202,86 €) de entidades privadas, doazóns e realización de actividades.

Entre as distintas administracións que financian as actividades realizadas por ALIAD-ULTREIA destacamos as seguintes: Ministerio de Sanidade, Política Social e Igualdade, Ministerio do Interior, Consellería de Sanidade, Secretaría Xeral da Igualdade, Consellería de Traballo e Benestar, Deputación de Lugo e Concello de Lugo.

A continuación amósase una táboa (Táboa 1) onde se detalla o importe concedido por cada una das administracións públicas e o programa financiado con eses fondos.

TABOA 1: FINANCIAMENTO PÚBLICO ALIAD ULTREIA AÑO 2013

ENTIDADES PÚBLICAS FINANCIADORAS	PROGRAMAS DESTINO	IMPORTES CONCEDIDOS
MINISTERIO DE SANIDADE POLITICA SOCIAL E IGUALDADE	Programa de preparación para a liberdade, Programa Preparados, Listos, Xa! e Programa de cumprimento de penas e medidas alternativas a prisión.	5.398,86
CONSELLERÍA DE SANIDADE	Programa Xurídico Social (Drogo dependencias)	43.740,00
CONSELLERÍA DE SANIDADE	Talleres sanitarios del Programa Donas (Programa VIH)	14.255,11
CONSELLERÍA DE TRABALLO E BENESTAR	Programa de Preparación para a liberdade	12.899,80
CONSELLERÍA DE TRABALLO E BENESTAR	Programa de Cooperación (ata 31 decembro de 2013)	1.080,86
CONSELLERÍA DE TRABALLO E BENESTAR	Programa de voluntariado	2.210,00
SECRETARÍA XERAL DA IGUALDADE, CONSELLERÍA DE PRESIDENCIA	Programa Donas de axuda a mulleres vítimas de trata e/ou explotación sexual	11.000,00
DEPUTACIÓN DE LUGO	Programa Donas de axuda a mulleres vítimas de trata e/ou explotación sexual	7.200,00
DEPUTACIÓN DE LUGO	Programa Preparados, Listos, Xa!	12.800,00
CONCELLO DE LUGO	Mantemento da entidade (custes de funcionamento)	3.135,00
TOTAL		113.719,63

Fonte: Aliad Ultreia



As fontes de financiamento pública supoñen un recoñecemento por parte dos distintos gobernos da importante labor social realizada. Neste senso durante o 2013 experimentouse un lixeiro aumento dos fondos públicos concedidos.³ Paradóxicamente, debido a situación actual, este incremento non asegura a subsistencia nun futuro e a dependencia destes fondos supón unha ameaza para a sostenibilidade económica da entidade. Neste senso destacaremos a intención de diminuír nos próximos anos a dependencia dos fondos provintes das administracións públicas. Entendemos que isto favorece a entidade en varios sentidos:

- Minimiza o risco económico de falta de financiamento para a realización de actividades.
- Diminúe problemas de falta de liquidez. (Pois a maioría das axudas concedidas son pagadas una vez realizado o gasto)
- Favorece a independencia da entidade.

Por todo elo creemos que, sen deixar de lado o financiamento público, a diversificación do financiamento incluíndo outras fontes de financiamento privado é una prioridade para os vindeiros meses.

Durante ó ano 2013 fixéronse esforzos para ampliar dito tipo de financiamento, así, no relativo as fontes de financiamento privada podemos diferenciarlo financiamento procedente de entidades como a Fundación Barrié e a obtida pola realización de actividades, eventos, ou doazóns particulares.

A continuación amósase una táboa coas fontes de financiamento privado de ALIAD UTREIA (Taboa 2)

TABOA 2: FINANCIAMENTO PRIVADO DE ALIAD ULTREIA ANO 2013

FINANCIAMENTO DE FONDOS PRIVADOS	PROGRAMAS AOS QUE VA DIRIXIDO	IMPORTE
FUNDACIÓN BARRIÉ (Programa Más Social)	Programa Más Social	5.285,40
INICIATIVA “LLAVES PARA LA INTEGRACIÓN” (Empresas)	Programa Donas	415,46
INICIATIVA “MI GRANO DE ARENA”	Varios Programas	98,62
CUOTAS SOCIOS	Varios Programas	1.641,32
DONACIÓNS DE PARTICULARES	Varios Programas	1.615,00
DONACIÓNS POLA VENTA DE LIBROS NO RASTRO SOLIDARIO	Varios Programas	509,06
DONACIÓNS APARELLADAS A VENTA DE LOTERÍA	Varios Programas	638,00
TOTAL		10.202,86

Fonte: Aliad Ultreia

³ No 2012 o importe dos fondos públicos foi de 108.348,98 euros.



Apuntaremos que a 31 de decembro de 2013 existe financiación privada concedida e que non está recollida nesta táboa. Trátase dunha axuda da Obra Social La Caixa de 10.000,00 euros que está concedida para desenvolver o Proxecto de Convivencia no C.P. de Monterroso durante os anos 2013 e 2014. A razón pola que non se recolle nesta memoria é porque o gasto e o ingreso da totalidade desta axuda terá lugar no ano 2014.

A vista deste financiamento debemos destacar o compromiso da Fundación Barrié con ALIAD ULTREIA, xa que, no ano 2013 esta entidade sufragou o custo da contratación dunha persoa encargada das labores de xestión da asociación durante dous meses. Tamén facilitou unha plataforma para albergar a nova páxina web da entidade (en construción) e colaborou con un programa de formación gratuíto dirixido a técnicos e xunta directiva da entidade. Por último apuntar que ara o ano 2014, xunto coa Fundación Roviralta, está previsto que saque unha convocatoria de axudas económicas para entidades que participaron no Programa Máis Social.

As doazóns particulares, as doazóns ligadas a venda de lotería, as doazóns pola venda de libros nos rastros solidarios e as cotas de socios son as outras fontes de financiamento privado que axudan a desenvolver os programas e actividades que ALIAD ULTREIA ten en marcha.

En canto as doazóns particulares, apuntar que durante o ano 2013 mantívose a colaboración coa Fundación Real Dreams que fixo posible continuar coa captación de fondos privados a través de internet, prestando o soporte técnico necesario para dito fin.

<http://www.migranodearena.org/aliad-ultreia-lugo-2>

(Donacións a entidade)

<http://www.migranodearena.org/aliad-ultreia-lugo-3>

(Donacións específicas destinadas ao Programa Donas)

Durante o ano 2013 continuouse coa iniciativa **“Chaves para a integración”**. Una iniciativa a través da cal ALIAD-ULTREIA busca a colaboración de empresas no desenvolvemento das iniciativas que se están levando a cabo e de forma moi especial co Programa Xurídico Social Donas de Atención a Mulleres Vítimas de Trata con fins de Explotación Sexual. As empresas que colaboraron economicamente con Aliad Ultreia a través deste programa foron: Limpiezas Mariluz, Asesoría ASBE, Loterías El Duende, Farmacia Labandeira y Tintorería Master Clean.



A modo de resumo, a continuación amósase una táboa cos custos totais de cada un dos programas que levou a cabo ALIAD ULTREIA durante o ano 2013.

TABOA 3. Custos dos Programas de ALIAD ULTREIA no ano 2013

DISTRIBUCIÓN DE FONDOS SEGÚN O SEU DESTINO	
PROGRAMA XURÍDICO SOCIAL DE AXUDA AO DROGODEPENDIENTE	43.740,00
PROGRAMA DE ATENCIÓN A POBOACIÓN RECLUSA (Preparados Listos, Xa! + Preparación para a liberdade)	30.607,46
PROGRAMA DE ATENCIÓN A POBOACIÓN RECLUSA (Proxecto de Participación Comunitaria:Construíndo convivencia)	8.833,05
PROGRAMA DONAS DE AXUDA A MULLERES VÍTIMAS DE TRATA E/OU EXPLOTACIÓN SEXUAL	18.200,00
Programa VIH	14.255,11
PROGRAMA DE VOLUNTARIADO	2.210,00
MANTEMENTO E ADMINISTRACIÓN DE ALIAD ULTREIA	6.076,87
TOTAL	123.922,49

Fonte: Aliad Ulteira

Por último apuntar que a maioría dos gastos da entidade corresponden aos custos salariais das persoas encargadas de desenvolver os programas: Psicóloga, Educadora Social, Sociólogos,... No ano 2013 estes custos supuxeron 88.652,05 euros que sumados ao custe do avogado (6.000 euros) supoñen o 86% do custo total da entidade. O resto de gastos (14%) fan referencia a outros custos como poden ser o mantemento da entidade, limpeza, xestoría, material de oficina, correos, suministros, teléfono, custos específicos dos programas como (material sanitario, alimentos para os usuarios, ...) e custos financeiros⁴.

⁴ ALIAD ULTREIA ten concedido un préstamo para dispor liquidez para facer fronte aos custos das súas actividades. Isto é así debido a que a maioría das axudas públicas concedidas fanse efectivas una vez xustificadas e pagados ditos gastos. (A 31 de decembro de 2013 as distintas administracións públicas tiñan pendente de pago 30.876,00 euros, importe que foi adiantado por ALIAD ULTREIA grazas ao préstamo concedido). Desta maneira cando falamos de gastos financeiros ademais dos gastos de comisións bancarias, éstos fan referencia tamén ao pago dos intereses xerados por dito préstamo. Con data do 31 de decembro de 2013, o préstamo concedido ascendía a 42.829,00 euros.

8. COLABORACIONES

No relativo a colaboración con outros organismos, aparte do financiamento, debemos de destacala relación e colaboración coas seguintes entidades:

-  Consellería de Sanidade da Xunta de Galicia.
-  Unidades Asistenciais de Drogodependencias de Burela e Monforte (Lugo).
-  Subdelegación do goberno en Lugo.
-  Deputación Provincial de Lugo.
-  Servizo Municipal de Prevención de Drogodependencias do Concello de Lugo.
-  Cáritas Lugo
-  Cruz Vermella Lugo.
-  Casa da muller (Lugo).
-  Pastoral Penitenciaria (Lugo).
-  Servizo de Xestión de Penas e medidas Alternativas de Lugo.
-  Equipo de tratamento dos Centros Penitenciarios de Bonxe e Monterroso.
-  Centro da Muller Vagalume.
-  Ong Ecos do Sur (A Coruña)
-  Asociación Penitenciaria Concepción Arenal.
-  Outras entidades sociais de Lugo (Ver apartado de FADAS Lugo)
-  Entidades pertencentes á Rede Galega contra a Trata.
-  Fundación Secretariado Xitano.

Dun modo máis concreto, ademais do financiamento/colaboración procedente das distintas administracións públicas de ámbito nacional, autonómico, provincial ou local, apuntaremos tamén a colaboración de ALIAD-ULTREIA con outras entidades privadas tanto para o financiamento como para a execución dos programas que leva a cabo.



Fundación Barrié





Así, ademais das xa citadas colaboracións coa **Fundación Barrié** ou con a **Fundación Real Dreams**, debemos de citala axuda prestada pola **Fundación PwC** que presta a súa asistencia a través dun programa gratuito de consultoría e asesoramento.

Entre o resto de colaboracións podemos destacar a existente coa **Asociación Penitenciaria Concepción Arenal de Lugo (APCA)** que traballa conxuntamente con Aliad Ultreia no deseño de novos programas de atención, e o traballo conxunto realizado con **Cáritas Lugo** no desenvolvemento do Programa Donas.

A Fundación La Caixa tamén aporta financiamento para o desenvolvemento dun proxecto de ALIAD-ULTREIA. Este proxecto, que co título de “Proxecto de participación comunitaria: Construído convivencia”, ten un dobre obxectivo, de investigación a través da participación, e de mellora da convivencia no centro penitenciario de Monterroso.

Destacar tamén que ALIAD-ULTREIA forma parte de **UNAD (Unión Nacional de asociacións e entidades de Atención ao Drogodependiente)** e que desde fai varios anos traballan conxuntamente na execución e xustificación de varios programas sociais subvencionados con cargo a subvención do IRPF.

Por último apuntar que ALIAD ULTREIA forma parte da **Federación de Asociacións Do Ámbito Social de Lugo (FADAS Lugo)** na que ostenta a presidencia. Durante o 2013 as actividades desta Federación centráronse na difusión de eventos e coordinación de iniciativas. A páxina web desta federación é www.fadaslugo.webs.tl.



ALIAD-ULTREIA

Dirección:
Rúa Milagrosa nº99-101
27003 LUGO

Teléfonos:
982 251 948 / 655 395 940

Fax:
982 251 948

Correo electrónico:
ongaliad@hotmail.com

Web:
<http://aliadultreia.webs.tl>

